



Dumonda per agid finanziel per promover la cultura rumantscha en la diaspora

Stimadas dunnas e preziads signurs

Il 22 d'avrigl 2023 han ils trais capo-chors **Cantus Firmus**, **Ligia Grischa** ed il **Chor da juvenils Grischun** dà in concert fulminant a **Cham**. Il public è vegnì en rotschas ed è stà intgantà da la musica e dal livel da chant.

Curt suenter avain nus era envidà la **TRIADA** cun las bellez vuschs da **Corin Curschellas**, **Astrid Alexandre** ed **Ursina** per in concert a Baar.

Questas emprimas duas occurrenzas da nossa nova uniun han demussà che l'interess per tals eveniments rumantschs en la Bassa è fitg grond. Gist il chant ha la forza e la pussaivladad d'unir umans da tut las varts e Rumantschas e Rumantschs dals differents idioms.

Nus cuntinuain!

Quai ans motivescha enorm d'organisar vinavant eveniments culturals rumantschs en la Bassa – per la Rumantschia, ma era per tut las autras amias ed ils auters amis da la lingua rumantscha.

Ed uschia avain nus mess sin via gia auters projects cuturals, sco la prelecziun musicala da l'autur **Arno Camenisch** cun il chantadur d'operas **Flurin Caduff**, ils 8 da november 2023 en il **Volkshaus a Turitg**. Ina cumbinaziun captivanta da dus gronds artists ch'èn amis da giuventetgna ed è creschids si omadus a Danis/Tavanasa en Surselva. Oz vivan els a Bienna e Lucerna. Insumma: Ina gronda part da las Rumantschas e dals Rumantschs n'abitescha oz betg pli en il territori rumantsch.

Concerts en l'entira Svizra

La finamira da noss'uniun è d'organisar regularmain occurrenzas culturalas ordaifer la Rumantschia. Per dar forza ed unitad a las Rumantschas ed ils Rumantschs en la Bassa, da tut ils tschintg idioms. Ma era per mussar a l'entira populaziun interessada en Svizra, quant ritga, multifara ed attractiva che la cultura rumantscha è. Il potenzial che nus avain per exempel en la musica è gea enorm impressiunant.

Per il 2024 planisain nus in concert cun a **Losanna**.

Lura vegni a dar in concert cun trais chors a Lucerna u Turitg (eventualmein cun il Chor Viril Lumnezia, il Chor mischedau Suraua ed il Chor da juvenils Incantanti).

Gugent empruvain nus era d'organisar in concert cun vuschs or da la sparta da chantaduras e chantadurs da pop e rock ch'è medemamain fitg buna ed activa en Rumantschia. Nus pensain a numms sco per exempel Pascal Gamboni, Bibi Vaplan, Mattiu ed autras ed auters.

Cultura Rumantscha en la Bassa



En la Svizra orientala vulain nus organisar in concert da trais chors rumantschs per l'onn 2025. Per quel essan nus en contact cun il Chor viril Surses. Gugent avessan nus là sin tribuna era in chor maschadà da l'Engiadina ed in chor da giuvenils u uffants.

Nus tschertgain sustegn

Senza in grond sustegn finanziel n'èsi dentant betg pussaivel d'organisar talas occurenzas. Per pudair metter en pe tut quai stuain nus dentant anc chattar avunda sponsurs e donaturs. Las artistas ed ils artists duain survegnir ina gascha commensurada e sco ch'i tutga!

Perquei tschertgain nus commembras e commembers che vulan sustegnair noss'uniun cun ina contribuziun annuala ed era persunas che han gust da lavurar ensemen cun nus.

Vus pudais era gugent ans sustegnair cun ina donaziun. Firmas e persunas privatas che ans sustegnan cun CHF 1'000.- e dapli survegnan in'entrada gratuita **per tut nossas occurenzas** e vegnan menziunadas sin nossa pagina d'internet, sche quai vegn giavischè.

En l'annexa chattais Vus noss statuts (scrits per tudestg) ed il protocol da la radunanza da fundaziun.

www.culturaenlabassa.ch/

Nus As engraziain da cor per Voss sustegn per promover la cultura rumantscha en la Bassa.

Banca: UBS, Turitg
IBAN CH26 0023 0230 8291 3401 B



Cultura Rumantscha en la Bassa



Per dumondas concernent l'uniun Cultura Rumantscha en la Bassa stain nus gugent a disposiziun:

E-Mail: culturaenlabassa@bluewin.ch

cordials salids

Corsin Derungs, president

Remo Pfister, cassier